

因案呈到部看得署丞顧積奏稱每年元宵端午等節因

賜朝參官員午門外酒飯近來多有不係朝參文武官員聞知節令侵晨進朝輒便爭先搶奪一壘混坐交椅有該坐中卓僭奪上卓者該坐合卓力占卓卓者致令該坐官員缺少卓面乞照御史趙啟奏

准事例凡退前項節令該設酒席一體禁約一節令無准其所奏通行各衙門知會凡遇元宵端午等節午門外酒飯照依先前御史趙啟所言本部覆奏

准大祀慶成宴事例一體禁約施行如有故違聽本日糾儀巡視官就便拿奏錄係申明禮儀事理未敢擅便具題奉

聖旨是欽此

風憲官不許與都布二司官飲酒例

成化二年閏三月十九日都察院左都御史李 等

題雲南道呈准兵部武選司手本奉本部送禮科抄出

巡按雲南御史王祥奏

欽蒙差往南巡按除欽遵外今將巡歷去處所見所聞合

當奏

請事宜整竭愚衷各立前件干冒

天威伏望

聖明采而行之誠為便益等因開坐具本該通政使司官奏奉

奉

聖旨該衙門知道欽此欽遵抄出除推選軍職等件另行外將禁治土官并崇重風憲二件抄出備行到道具到院臣等參看得御史王祥所奏納米等項土官除按

文官六品以下者犯罪要行依律就便提問及告處
按察司官無故不許與都市二司官和同宴戲等因誠
為有理合無准其所言通行各處巡撫巡按及按察司
等衙門遵守施行錄係事理例及奉

欽依該衙門知道事理未敢擅便次日奉
聖旨是欽此

給事中御史中書立班筵宴次序例

成化四年正月初十日禮部尚書姚 等題為禮儀事該
禮科叅看得中書舍人李應楨等題稱

慶成宴要在給事中御史之前照得我

朝筵宴位次行之年久已有定制今各官以口腹小事煩

瀆

聖听况係已事例該具本赴通政使司投進不合用白頭題
本徑進及將

旨意批寫歪斜事屬有違宜從抄出奏

請施行等因合無申明定例通行遵守今後凡遇傳

制等項行禮例無侍班官止有給事中導駕其糾儀御史

合仍於給事中之下稍尚立其過

聖節正旦冬至及頒